



Pranuar / Dorezuar Prilazhen / Prilazhe Received / Delivery	25.03.2022	2	viti god year
Organ / Njësia Organ / Jednica Org / Unit	Nr Prot Br Post Prot No	Shtesa Pisheq Appendu	Sasia Kolicina Quantity
SYMBAK	1598/2022		114



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.198/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Ardita Haxhnikaj-Demi-kryetare, Arben Mehmeti dhe Jeton Koca-anëtarë dhe Avdyl Bektashi-Zyrtar i Lartë për Bashkëpunim Profesional në cilësinë e procesmbajtësit, kanë shqyrtuar ankesën me numër A.nr.198/2022 të datës 01.03.2022 të parashtruar nga ankuesja [redacted] me adresë [redacted]

[redacted] kundër organit të punësimit/Agjencia e Kosovës për Forenzikë, në çështjen juridike "vlerësim i punës", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 25.03.2022, mori këtë:

V E N D I M

Këshilli i Pavarur Mbikëqyrës për Shërbimin Civil të Kosovës, shpallet jo kompetent për të shqyrtuar ankesën me numër A.nr.198/2022 të datës 01.03.2022 të parashtruar nga ankuesja [redacted]

A r s y e t i m

Ankuesja [redacted] punësuar në Agjencinë e Kosovës për Forenzikë, fizikisht më datë 01.03.2022 ka parashtruar ankesë me Nr. Prot:1096/2022 në Këshillin e Pavarur Mbikëqyrës për Shërbimin Civil të Kosovës, kundër vlerësimit të rezultateve në punë për vitin 2021.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr. Nr.02/2018 për Procedurën e Shqyrtimit dhe Vendosjes së Ankesave, me datë 07.03.2022 ankesën e ankuesit e ka proceduar për përgjigje në ankesë në Agjencinë e Kosovës për Forenzikë. Këshilli, me datë 15.03.2022 ka pranuar përgjigjen në ankesë se bashku me shkresat e bashkëngjitura të lëndës.

Kolegji për Shqyrtimin dhe Vendosjen e Ankesave, me qëllim të vërtetimit të plotë dhe të drejtë të gjendjes faktike dhe bazës juridike, për marrjen e vendimit meritator ka

administruar këto prova: Ankesën me Nr. Prot:1096/2022 e datës 01.03.2022 e parashtruar nga ankuesja në Këshillin e Pavarur Mbikëqyrës për Shërbimin Civil të Kosovës; Formularin për vlerësimin e rezultateve në punë të nëpunësve civil dhe nëpunësve të shërbimeve publike i datës 31.01.2022; Emailin e datës 09.02.2022 nga ankuesja; Emailin e datës 31.01.2022 për njoftim për takim nga ankuesja; Emailin e datës 28.01.2022 nga [redacted] për ankuesen për njoftim për takim; Emailin e datës 03.02.2022 nga [redacted] për ankuesen; Emailin e datës 08.06.2021 nga ankuesja; Emailin e datës 15.06.2021 nga [redacted] për ankuesen; Emailin e datës 20.10.2021, 12.10.2021, 30.12.2021, 24.12.2021 nga ankuesja për [redacted] Emailin e datës 14.10.2021, 28.12.2021, 23.12.2021 nga [redacted] për ankuesen; Emailin e datës 23.12.2021, 30.11.2021 nga [redacted] për [redacted] Emailin e datës 23.12.2021 dhe 30.11.2021 nga [redacted] Emailin e datës 17.05.2021 nga ankuesja; Foto; Emailin e datës 18.05.2021 nga [redacted] Ankesën për fyerje dhe cenim të dinjitetit personal nga ankuesja për Drejtorin e Departamentit për Kimi dhe Biologji Forenzike e datës 17.03.2021; Emailin e datës 19.02.2021 nga ankuesja për [redacted] Emailin e datës 16.06.2021, 30.04.2021 nga ankuesja për [redacted] Emailin e datës 17.05.2021 nga ankuesja për [redacted] dhe [redacted] Shkresë më titull Validimi i Ekstrahimit të ADN-së me AIAAMP DNA Investigator KIT; Emailin e datës 02.04.2021, 09.03.2021 nga [redacted] Emailin e datës 01.02.2021 nga ankuesja për [redacted] Emailin e datës 05.01.2021 nga [redacted] për ankuesen; Emailin e datës 19.02.2021 nga ankuesja; Emailin e datës 03.03.2021, 30.03.2021, 31.03.2021 nga ankuesja për [redacted] Emailin e datës 03.03.2021 nga ankuesja për [redacted] Emailin e datës 30.03.2021, 29.09.2020 nga ankuesja për [redacted] Emailin e datës 02.04.2021 nga ankuesja për [redacted] dhe [redacted] Emailin e datës 02.04.2021 nga ankuesja për [redacted] Emailin e datës 13.04.2021 nga ankuesja; Emailin e datës 26.04.2021 nga ankuesja për [redacted] Emailin e datës 23.04.2021 nga [redacted] për ankuesen; Emailin e datës 27.04.2021 nga [redacted] për ankuesen; Emailin e datës 30.04.2021, 15.06.2021 nga ankuesja për [redacted] Emailin e datës 16.06.2021, 13.04.2021 nga ankuesja për [redacted] Emailin e datës 21.05.2021 nga ankuesja për [redacted] Emailin e datës 17.06.2021 nga ankuesja për [redacted] Emailin e datës 24.09.2021, 04.10.2021, 16.09.2021 nga ankuesja për [redacted] Emailin e datës 15.09.2021 nga [redacted] për ankuesen; Emailin e datës 08.09.2021, 02.09.2021, 07.09.2021, 14.07.2021, nga ankuesja për [redacted] Emailin e datës 12.07.2021 nga ankuesja për [redacted] Emailin e datës 09.07.2021., 30.03.2021 nga ankuesja për [redacted] Emailin e datës 17.03.2021 nga [redacted] për [redacted] Emailin e datës 08.10.2021, 07.09.2021 nga ankuesja për R.Buzhala; Emailin e datës 07.09.2021 nga [redacted] për ankuesen; Emailin e datës 07.09.2021 nga [redacted] për [redacted] Emailin e datës 05.01.2021 nga ankuesja për [redacted] Emailin e datës 22.11.2021 nga ankuesja për [redacted] Emailin e datës 21.10.2021 nga ankuesja për [redacted] Kërkesën për përgjigje në ankesë e datës 07.03.2022; Përgjigjen në ankesë e datës 15.03.2022; Emailin e datës 10.06.2021 nga info.dmzp për [redacted] për Deklarimin e Statusit të Zyrtarëve Publikë; Listën e zyrtarëve publikë të Agjencisë së Kosovës për Forenzikë; Kontratë Pune për Kohë të pacaktuar të datës 22.07.2013.

Kolegji për Shqyrtimin dhe Vendosjen e Ankesave, duke shqyrtuar provat e lëndës ka konstatuar se Këshilli i Pavarur Mbikëqyrës për Shërbimin Civil të Kosovës, nuk është kompetent për të vendosur lidhur me ankesën e ankueses, *sepse*:

Bazuar në shkresat e lëndës, respektivisht Kontratës së Punës për Kohë të pacaktuar të datës 22.07.2013 ankuesja mban pozitën "Specialiste e Lartë në Divizionin për ADN dhe Serologji" në Agjencinë e Kosovës për Forenzikë, ndërsa Kolegji për Shqyrtimin dhe Vendosjen e

Ankesave, në bazë të emailit të datës 10.06.2021 nga info.dmzp lidhur me Deklarimin e Statusit të Zyrtarëve Publikë të Agjencisë së Kosovës për Forenzikë, si dhe listës së bashkangjitur me përgjigjen në ankesë të datës 15.03.2022, konstaton që statusi i ankueses është konfirmuar "Nëpunës i Shërbimit Publikë".

Bazuar në Ligjin Nr. 04/L-064 për Agjencinë e Kosovës për Forenzikë, konkretisht neni 2 ka paraparë fushëveprimin, ku përcaktohet se: "AKF-ja është institucioni përgjegjës për ofrimin e paanshëm, të analizave objektive shkencore forenzike", ndërsa neni 5 përcakton misionin e Agjencisë së Kosovës për Forenzikë, ku përcaktohet se: "Misioni i Agjencisë së Kosovës për Forenzikë është që përmes ushtrimit të veprimtarisë së saj, të ofroj shërbime forenzike cilësore në përputhje me legjislacionin në fuqi, standardet vendore dhe ndërkombëtare". Lidhur me personelin e punësuar në Agjencinë e Kosovës për Forenzikë, neni 17 i Ligjit Nr. 04/L-064 për Agjencinë e Kosovës për Forenzikë, ka bërë ndarjen në tri kategori si: "1.1. personeli i specializuar- shkencor; 1.2. personeli mbështetës; 1.3. pozitat ekzekutive". Pozita që mban ankuesja "Specialiste e Lartë në Divizionin për ADN dhe Serologji", hyn në kuadër të kategorisë personeli i specializuar-shkencor, ndërsa sipas nenit 3 paragrafi 1 nën paragrafi 1.7 të Ligjit Nr. 04/L-064 për Agjencinë e Kosovës për Forenzikë, është përcaktuar se: "Personel i specializuar shkencor - punonjësi i specializuar teknik dhe menaxhues që kryejnë, udhëheqin apo verifikojnë ekspertimet kriminalistike, si dhe asistojnë në shikimin apo rikonstruimin e vendit të ngjarjes".

Referuar kësaj, Kolegji për Shqyrtimin dhe Vendosjen e Ankesave, vlerëson se pozita që mban ankuesja hyn në kuadër të pozitave të përafërta me fushën e shëndetësisë, në këtë rast duke ju referuar nenit 2 paragrafi 2 të Ligjit Nr. 06/L-114 për Zyrtarët Publikë, i cili përcakton se zyrtarët publikë janë ndarë në: nëpunësi i Shërbimit Civil (në tekstin në vijim: nëpunësi civil); nëpunësi i Shërbimit Publik; nëpunësi i Kabinetit; dhe nëpunësi administrativ dhe mbështetës, në kuadër të kësaj pozita që mban ankuesja, hyn në kuadër të zyrtarëve publik si nëpunës i shërbimit publikë, siç parashihet me paragrafin 4 të nenit 2 të këtij ligji, i cili përcakton që: "Nëpunës i Shërbimit Publik - është personeli i nivelit të lartë drejtues, drejtues, profesional dhe i shërbimeve të brendshme në administratën e shërbimeve publike, pjesë e administratës shtetërore apo në administratën e shërbimeve publike, pjesë e një komune të cilët ofrojnë shërbime publike të drejtëpërdrejta për qytetarët në fushën e arsimit, shëndetësisë, kulturës, artit si dhe shërbime tjera të ngjashme publike", ndërsa marrëdhënia e punës e nëpunësit shërbimit publik është trajtuar në pjesës V të Ligjit Nr. 06/L-114 për Zyrtarët Publikë, gjegjësisht neni 64 paragrafi 1 i këtij ligji, ka përcaktuar që: "Përveç sa parashikohet shprehimisht ndryshe në këtë pjesë të Ligjit, marrëdhënia e punësimit për nëpunësin e Shërbimit Publik rregullohet sipas dispozitave të Ligjit të Punës".

Andaj, duke u bazuar në nenin 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, ku përcaktohet se Këshilli është kompetent për të shqyrtuar vetëm ankesat e nëpunësve civilë dhe kandidatëve për praninë në Shërbimin Civil si dhe duke marr parasysh konstatimin se ankuesja ka statusin e nëpunësit të shërbimit publikë, Kolegji për Shqyrtimin dhe Vendosjen e Ankesave, konstaton se Këshilli i Pavarur Mbikëqyrës për Shërbimin Civil të Kosovës nuk është kompetent për të vendosur lidhur me ankesën A.nr.198/2022 e datës 01.03.2022, të parashtruar nga ankuesja.

Kolegji për Shqyrtimin dhe Vendosjen e Ankesave, konstaton se sipas nenit 74 paragrafi 1 dhe 5 ndërlidhur me nenin 24 paragrafi 4 të Ligjit Nr. 06/L-114 për Zyrtarët Publikë, zyrtarët



publik me status të nëpunësve shërbimit publikë kanë të drejtë të ankohen tek punëdhënësi dhe më pas mund të fillojnë kontest administrativ në gjykatën kompetente.

Andaj bazuar në këto rrethana, Kolegji për Shqyrtimin dhe Vendosjen e Ankesave pas analizimit dhe vlerësimit të të gjitha shkresave të lëndës dhe provave të ofruara nga palët, duke u bazuar në kompetencën e Këshillit dhe duke u bazuar në nenin 18 paragrafi 1 nen paragrafi 1.8 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij vendimi.

Vendimi hyn në fuqi ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.198/2022

AvdyLBEKTESHI

AvdyLBEKTESHI
Procesmbajtës

Ardita Haxhujkaj-DEMI

Ardita Haxhujkaj-DEMI
Kryetare e Kolegjit



Vendimi i dërgohet

- Ankueses [REDACTED]
- Kryeshefit të Agjencisë së Kosovës për Forenzikë;
- Udhëheqësit të Personelit në Agjencinë se Kosovës për Forenzikë dhe
- Arkivit të KPM SHCK-së

